

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-11-719/26-7

Datum: 16.04.2026 godine

Na osnovu člana 72. Stav 3. Zakona o javnim nabavkama (Službeni glasnik BiH broj 39/14, 59/22 i 50/24) i člana 43. Statuta Općine Banovići („Službeni glasnik Općine Banovići", broj: 2/20), Općinski načelnik donosi

ODLUKU O DODJELI UGOVORA DRUGORANGIRANOM PONUĐAČU

Član 1.

Ovom Odlukom se Ugovor o javnoj nabavci radova „**Izvođenje radova na sanaciji asfaltnih površina na području općine Banovići**“ dodjeljuje drugorangiranom ponuđaču „**SM TRANSKOP D.O.O. BANOVIĆI**“ sa sjedištem u ulici Radnička bb, Banovići, Banovići, sa rang liste uspješnih ponuđača, sa cijenom ponude bez uračunatog PDV-a nakon provedene e-aukcije u iznosu od **92.970,00 KM** (devedesetdvijehiljadestosedamdeset i 00/100 konvertibilnih maraka), sa procentom umanjenja 37,89%.

Član 2.

Prijedlog Ugovora o nabavci radova dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku od 7 dana računajući od dana kada su svi ponuđači obaviješteni o izboru najpovoljnije ponude, pod uslovom dostave uredne dokumentacije iz člana 45. Zakona.

Rok za potpisivanje ugovora je 10 (deset) dana, računajući od dana prijema ugovora na potpis od strane izabranog ponuđača.

Član 3

Ova Odluka objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14; 59/22 i 50/24).

Obrazloženje

Odlukom o pokretanju postupka javne nabavke radova broj: 01-11-719/26 od 26.02.2026. godine donesenom od strane ovog organa pokrenut je postupak javne nabavke radova „**Izvođenje radova na sanaciji asfaltnih površina na području općine Banovići**“. Predmetna javna nabavka predviđena je Planom javnih nabavki općine Banovići za 2026. godinu, broj: 01-11-195/26 od 23.01.2026. godine, evidencijski broj 4.

Javna nabavka radova sprovedena je putem otvorenog postupka za dostavu ponuda.

Procijenjena vrijednost javne nabavke bez PDV-a je 150.000,00 KM bez PDV-a.

Obavještenje o nabavci broj: 1220-1-3-17-3-45/26 od 27.02.2026. godine, objavljeno je na Portalu javnih nabavki dana 27.02.2026. godine.

Komisija za javne nabavke imenovana Rješenjem broj: 01-04-84/26 od 14.01.2026. godine, organu je dostavila dana 31.03.2026.god. Zapisnik o pregledu i ocjeni ponuda broj: 01-11-719/26-2 od 24.03.2026.godine, Zapisnik o pregledu i ocjeni ponuda (nastavak pregleda i ocjena ponuda od 24.03.2026. godine) broj: 01-11-719/26-3 od 30.03.2026.god. te Preporuku o izboru najpovoljnijeg ponuđača za nabavku usluge broj: 01-11-719/26-4 od 30.03.2026.godine u postupku javne nabavke radova „Izvođenje radova na sanaciji asfaltnih površina na području općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 3 (tri) i to:

1. „RIAL-ŠPED“ d.o.o. Doboj Istok, sa sjedištem u ulici 4. Maj broj 8, Klokotnica, Doboj-Istok (datum predaje ponude 18.03.2026. godine; vrijeme predaje ponude 08:30h)
2. „SM TRANSKOKP“ d.o.o. Banovići, sa sjedištem u ulici Radnička bb Banovići ((datum predaje ponude 23.03.2026. godine; vrijeme predaje ponude 08:07h)
3. „JOJA – TRANSPORTI“ d.o.o. Živinice, sa sjedištem u ulici Magistralni put broj: 33, Živinice (datum predaje ponude 23.03.2026. godine; vrijeme predaje ponude 08:53h)

- da je blagovremeno zaprimljeno 3 (tri) ponude,

- da nema neblagovremenih ponuda,

- da je ponuda ponuđača „JOJA – TRANSPORTI“ d.o.o. Živinice, sa sjedištem u ulici Magistralni put broj: 33, Živinice, ocijenjena neprihvatljivom.

Uvidom u priloženu dokumentaciju, nesporno je da je ponuđač „RIAL-ŠPED“ d.o.o. Doboj Istok najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 91.000,00 KM bez PDV-a.

Donesena je Odluka o izboru najpovoljnijeg ponuđača broj: 01-11-719/26-5 od 31.03.2026.godine gdje je kao najpovoljniji ponuđač izabran „RIAL-ŠPED“ d.o.o. Doboj Istok.

Kako bi se stekli uslovi za zaključivanje ugovora, izabrani ponuđač bio je dužan u roku od 7 (sedam) dana od zaprimanja odluke o izboru najpovoljnijeg ponuđača, dostaviti dokaze o ispunjavanju uslova iz člana 45. Stav (1) tačka od a) do d) Zakona o javnim nabavkama BiH.

Imajući u vidu da je prvorangirani ponuđač propustio dostaviti originale ili ovjerene kopije dokumentacije iz člana 45. Zakona o javnim nabavkama u ostavljenom roku, ugovorni organ je, u skladu sa članom 72. stav (3) tačka a) Zakona o javnim nabavkama Bosne i Hercegovine, donio odluku kao u članu 1. ove odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Svim ponuđačima
- koji su učestvovali u postupku JN
- 1x U spis
- 1x a/a

